

徐州志

九

徐

州

志

卷

喬高

晉

王獻字元德本太原人與弟懿同起義兵與慕容垂
戰大原徙居彭城後以襲桓玄遇害宋武帝追
贈給事中安復縣侯

唐

許鐸武令客於隴勛父徐州賜以官不從崔
彦魚官被囚鐸潛饋資糧及死爲收瘞匿免其
弟賊平乃皆歸其喪卽詔拜石首令賜銀緋

宋

是與子明遠本博之清豐人父儉始徙家彭門幼從
王內僊太平興國五年進士至道末擢右正言直
史館知制誥入翰林爲學士加承旨眷禮優厚天
禧中祈解近職判西京留司御史臺居六年請老
以太子少保致仕終少傅八十四謚文元子宗懿
知制誥亦入翰林爲學士官至叅知政事
范純禮仲淹子歷官右丞崇寧中啓黨禁貶靖江軍
節度副使徐州安置

國朝

文虎其先本合肥人父景宗洪武初知徐州因居焉

至十二年知州楊節仲以筦庶能幹濟薦授荊州府潛江縣知縣

董轟字文雷本浙江奉化人以父知徐州僑居于徐轟性溫雅博通書史詞翰兼美以徐州知州揚秘大學士徐人權謹交薦授官承天門待詔一雲大

名府學訓導

舊志李燮鄭玄並東漢時人陳群三國時人按東漢以還徐治在郟城非

今彭城也又云燮十餘年還鄉里徵拜議郎則燮子孫亦未嘗家於徐今並刪去

方技

漢

樊阿彭城人與廣陵吳晉學醫於譙人華佗善鍼術

凡醫咸言背及胸臆之間不可妄鍼鍼之不過四分而阿鍼入一二寸巨闕胸臆及五六寸而病者皆瘳又嘗從陀求服食方陀授以漆葉清麤散每漆葉屑一斗率用清麤十四兩久服去三蟲利五臟輕體使人頭不白阿從其言

漆葉處所時有清麤生於豐沛彭城

及朝歌間

魏

管輅

字公明善仰視星辰明天文地理變化之數徐

州號爲神童杜工部上韋相詩聰明過管輅即此

國朝

李公是徐州人天性曠達博學能詩文善隸書
任材使氣不拘小節以儒醫鳴於時嘗擬盧仝七
碗茶爲七碗酒及木綿歌

裴仕傑通儒書習陰陽之術末樂初徵天下儒碩纂
脩古今大典陰陽家預焉仕傑應召

周昉字彥華徐州人通天文陰陽之術景泰元年隨
征福建以占候有功歷進五官靈臺郎陞監副卒
子二佐歷陞光祿寺少卿儒歷陞應天府丞佐子
淪欽天監冬官正皆世其業

後漢

陳宣字子興性剛猛博學明曾詩遭王莽篡位隱處
不仕光武卽位徵拜諫議大夫建武十年雒水出
造津城門校尉奏欲塞之宣曰昔周公卜雒以安
宗廟爲萬世基水不當入城門如爲災異人主過
不可辭塞之無益昔東郡金堤大決水欲沒鄴太
守王尊亡身勅吏民佇立不動水應時自消尊人
臣尚脩正弭災豈況朝廷中興聖主水必不入言
未絕水去上善其言後乘輿出宣列引在前行遲
乘輿欲驅鈎宣御者墮車下宣諫曰王者承天統

地動有法度車則鳴鸞步則佩玉動靜應天皆孝
文特有獻千里馬者却而不受陛下宜上稽唐虞
下以文帝爲法上納其言遂徐行按轡遷爲河堤
謁者以病免卒於家

朱浮字叔元初從光武爲大司馬主簿遷偏將軍從
破鄯鄯拜大將軍幽州牧守薊城遂討定北邊建
武二年封武陽侯食三縣浮年少有才頗欲厲
風迹收士心辟召州中名宿以爲從事後拜執金
吾從討父城侯帝嘗以二千石長史多不勝任時
有纖微之過者必見斥罷交易紛擾百姓不寧六

年有日食之異浮因上疏曰

日者衆陽之所宗君

據郡典縣皆爲陽爲上爲尊爲長若陽上不明尊

長不足則于動三光垂示王者陛下哀愍海內保

育生人而今牧人之吏多未稱職小違理實輒見

斥罷豈不繁然黑白分明哉然以堯舜之盛猶加

三考大漢之興亦累功效吏皆積久養老於官至

各子孫因爲氏姓當時吏職何能悉理議論之徒

豈不誼譚蓋以爲天地之功不可倉卒艱難之業

當累日月也而問者守宰數見換易迎新相代疲

勞道路尋其視事日淺未足昭見其職既加嚴切

人不自保各相顧望無自安之心有司或因睚眦

以騁私怨苟求長短求媚上意二千石及長史迫

於舉劾懼於刺譏故爭飾詐僞以希虛譽斯皆羣

陽騷動日月失行之應願陛下遊帝下其議群臣

意於經年之外望化於一世之後

多同於浮白是牧守易代頗簡舊制州牧奏二千

石長吏不任位者事皆先下三公帝時用明察不

復委任三府而權歸刺舉之吏浮復上疏言之七年轉太僕浮又以國學旣興上書言宜廣博士之選帝然之二十年遷大司空二十一年坐免二十五年徙封新息侯永平中有人辭言浮事者遂賜死長水校尉樊儵言於帝曰浮事雖昭明而未達人聽宜下廷尉立著其事帝亦悔之

劉矩字叔方少有尚節舉孝廉爲雍丘令以禮讓化民其無孝義者皆感悟自革民有爭訟矩常提耳訓告訟者感之輒各罷去其有心略遺者皆推尋其主後太尉出廣舉矩賢良方正四遷尚書令矩

性亮直不能諧附貴勢以疾去官起補從事中郎
復爲尚書令遷宗正太常延熹四年代黃瓊爲太
尉瓊復爲司空矩與瓊及司徒种暉同心輔政號
爲賢相尋以蠻夷叛免靈初再爲上公所辟召
皆名儒宿德不與諸郡立通順辭默諫多見省用
復以日食免卒於家

矩叔父光仕爲司
徒以辟拜議郎

南北朝

劉粹字道冲沛郡蕭人事宋武帝冠京城叅建武軍
事以功封西安縣五等侯轉中書諮議叅軍奉文
帝鎮京口盡心於國封澠縣男後遷相國司馬左

衛將軍改封建安縣侯文帝即位領寧蠻將軍襲
陽新野二郡太守在任簡役愛民罷諸沙門二千
餘人補府史卒族第損字子騫宋元嘉中爲昆郡
太守至闔門便入泰伯廟時廟室頽毀垣墻不脩
損愴然曰清塵尚可髮髯衛字一何摧頽卽令脩
葺卒贈太常損叔父鎮之字仲德衛將軍毅之父
也宋時以毅貴顯間居京口未嘗應召聞毅曰汝
必破我家毅甚畏憚之每還京口未嘗敢以羽儀
入鎮之門以左光祿大夫徵不就卒

劉伯龍少貧薄及長歷位尚書左丞少府武陵太守

貧屢人其嘗在家慨然召左右將營十一之方忽
見一匙在傍撫掌大笑伯龍嘆曰貧窮固有命乃
復爲鬼所笑耶遂止

宋

寶沔蕭人喜儒學有遠識能招賢以教子姓四方賢
士日遊其門仕爲光澤簿蕭縣學在舊城西北無
人之境衆不樂居沔白邑宰出已貲購邑東南明
癸之地遷之最端中爲記

見學
校

元

傅友鶴蕭人仕爲陝西諸道行御史臺監察御史文

章政事卓異於人後遷朝列大夫浙江廉司食
事

劉福往至孝父母存則能供其旨居喪寢苦枕塊飭
粥至終喪如一

國朝

高異志博學能文元末爲鄮山書院山長國朝洪

武初徵備元史爲翰林編脩累遷侍講學士太常

少卿庚辰會試典文掄士鑒別精審輿論推服之

薛顯少通韜略臂力絕人元末大亂顯亦歛兵自衛

至間太祖起兵知天命有在遂率所部詣泗州

附順擢親軍都指揮分鎮江西從征荆楚遷右丞
還與大將共北定齊魯燕冀論功封永城侯食祿
二千五百石洪武二十年將兵屯塞上防胡以疾
卒于軍追封永國公謚桓襄 詔賜塋于鍾山之
陰長子經初授羽林左衛鎮撫累功陞左軍都督
次子纓北州中護衛指揮僉事女一爲 肅王妃
孟驍字尚德洪武初以薦授驛丞歷遷至貴州左布
政使有惠政得夷民心秩滿乞留 詔增秩還任
後致仕歸卒

歐陽武初以懷材抱德薦授戶部主事歐陽武

以賢良方正薦授貴池縣丞一時同有賢聲

郝鏗以懷材抱德見用於洪武初由伏羌縣丞歷甘泉井陘縣令仕終興通判所至種種多德澤民咸去思之

劉儼字若思洪武中由國子生爲慈利縣學廡節制方督儲底績以薦詣闕賜燕仍遷知慈利廉愛益著尋以疾歸比還囊篋蕭然儼好學明經義時縣令郝玘爲建易安書院聚徒授講蕭士宗之

李鉞字廷器正統中仕爲浙江温州同知時部邑瑞安羅洋諸所海寇鈔掠爲患鉞往平之冒矢石觸